

BASES E CONVOCATORIA DO XXXI PREMIO NACIONAL DE XORNALISMO GASTRONÓMICO “ÁLVARO CUNQUEIRO”

Expediente: 4864/2024

O Concello de Lalín (Pontevedra) en colaboración coa Facultade de Ciencias da Comunicación da Universidade de Santiago, asociacións gastronómicas galegas e a Axencia de Turismo de Galicia (Xunta de Galicia), convoca o **XXXI PREMIO NACIONAL DE XORNALISMO GASTRONÓMICO “ÁLVARO CUNQUEIRO”**, recoñecido como o premio gastronómico máis importante do Estado.

Esta subvención rexerase polo establecido na presente convocatoria, na Lei 38/2003, de 17 de novembro, Xeral de Subvencións, no Regulamento Xeral da Lei de Subvencións aprobado polo Real Decreto 886/2006, de 21 de xullo, na Lei 29/2015, de 1 de outubro, de Procedemento Administrativo Común das Administracións Públicas, no Real Decreto 130/2019, de 8 de marzo, polo que se regula a Base de Datos Nacional de Subvencións e a publicidade das subvencións e demais axudas públicas e nas restantes normas de dereito administrativo que no seu caso, sexan de aplicación e, no seu defecto, as normas de dereito privado.

O procedemento para a concesión desta subvención será en réxime de concorrência competitiva, mediante a comparación das publicacións presentadas coa fin de establecer unha prelación entre as mesmas de acordo cos criterios de valoración establecidos nesta convocatoria, adxudicando co límite fixado na base quinta, aquelas que obtiveran maior valoración en aplicación dos criterios da base sétima.

Primeira. Obxecto e finalidade

As presentes bases teñen por obxecto establecer os criterios e procedementos que regularán a concesión do **XXXI PREMIO NACIONAL DE XORNALISMO GASTRONÓMICO “ÁLVARO CUNQUEIRO”**.

A finalidade desta subvención é a de fomentar a difusión da cociña galega premiando o labor realizado por xornalistas e escritores/as que prestaron especial atención ao devandito tema así como, por ampliación, do Premio Nacional de Xornalismo. Os ditos premios concederanse nas seguintes categorías:

- a) Traballo xornalístico
- b) Traballo académico

A percepción destes premios é compatible con calquera outra subvención, axuda, ingresos, premios e recursos para a mesma finalidade, procedentes de organismos públicos ou privados, nacionais, da Unión Europea e de organismos internacionais.

Segunda. Beneficiarios

Poderán tomar parte no devandito concurso os/as escritores/as, xornalistas e particulares que publicaran artigos, libros, entrevistas, reportaxes, viñetas, fotografías, comentarios, etc. en galego, en castelán ou calquera idioma, nos distintos medios de comunicación (prensa, radio, televisión, redes sociais e publicacións), sobre temas relacionados coa gastronomía galega en particular e a gastronomía en xeral, nos últimos dous anos.

Ademais, poderán tomar parte os/as estudantes do Grao de Xornalismo, Publicidade e Comunicación Audiovisual que presenten os seus traballos académicos relacionados coa gastronomía.

Non poderán ser premiados os/as gañadores/as de edicións inmediatamente anteriores, en ningunha das modalidades.

En ningún caso, poderán adquirir a condición de beneficiarios/as os que se atopen en calquera das circunstancias recollidas no artigo 10, apartados 2 e 3, da Lei 9/2027, de 13 de xuño, de Subvencións de Galicia.

Terceira. Requisitos

1. Unicamente se poderá presentar unha obra por autor/a, en cada modalidade.
2. As obras presentadas serán: artigos, libros, entrevistas, reportaxes, viñetas, fotografías, comentarios, etc. E os/as autores/as garantirán o seguinte:
 - a) Deberán inscribirse de maneira obrigatoria en calquera dos xéneros xornalísticos.
 - b) Poderán estar escritos en galego, castelán ou calquera outro idioma.
 - c) Publicados en distintos medios de comunicación (prensa, radio, televisión, redes sociais e publicacións) nos dous últimos anos.
3. As obras versarán sobre temas relacionados coa gastronomía galega en particular e a gastronomía en xeral.
4. As obras non poderán seren premiadas con anterioridade en ningún outro concurso nacional ou internacional, nin terse presentado a ningún outro certame cuxo fallo deberá producirse antes da resolución da presente convocatoria.
5. Non cederá a terceiros os dereitos de autor da obra.
6. As/os beneficiarios/as deberán estar ao corrente das súas obrigas coa Axencia Estatal da Administración Tributaria (AEAT), coa Axencia Tributaria de Galicia (ATRIGA), coa Seguridade Social e co Concello de Lalín.
7. Deberán presentar, xunto coa inscrición no premio a declaración responsable do cumprimento dos requisitos previstos nos artigos 13.1 e 13.2 da Ley de Subvencions. Anexo I das bases.

Cuarta. Solicitudes, prazo lugar e forma de presentación

1. Os traballos presentaranse, ben polo seu autor/a ou ben por terceiras persoas ou entidades, a través dunha instancia xeral debidamente cumprimentada e asinada, deberá ir acompañada de:

- Exemplar orixinal da proposta presentada, en formato dixital na Sede electrónica do Concello de Lalín (<https://lalin.sedelectronica.gal/info.0>), instancia xeral; indicando na solicitude "PARA O PREMIO DE XORNALISMO GASTRONÓMICO ÁLVARO CUNQUEIRO" así como, a categoría á que concorre (xornalística ou académica) e deberá ir dirixida ao Alcalde - Presidente.
- No caso de libros ou outro soporte que así o permita tamén poderán presentarse de forma física a través do Rexistro Xeral do Concello de Lalín (Praza de Galicia, 1 - 36500 Lalín), por correo postal ou de forma presencial. Con todo, é imprescindible e condición necesaria que a presentación en formato físico/papel vaia acompañada da correspondente copia en soporte dixital (USB, DVD, CD ou similar) ou, no seu caso, dun enlace de descarga que permita efectivamente a mesma.

Nos casos de presentación física deberán entregarse seis exemplares do traballo a concurso así como, un escrito dirixido ao Alcalde - Presidente do Concello de Lalín co nome, datos persoais, teléfono de contacto e currículo do autor/a (no seu caso, tamén da persoa que presenta o traballo).

- Os traballos académicos presentados polo alumnado do Grao de Xornalismo, Publicidade e Comunicación deberán estar acreditados academicamente por un/unha docente do centro de estudos.
- Escrito dirixido ao Alcalde - Presidente do Concello de Lalín co nome, datos persoais, teléfono de contacto, declaración responsable do cumprimento dos requisitos previstos no artigo 13.1 e 13.2 da Lei Xeral de Subvencións, (conforme anexo I publicado na páxina web www.lalin.gal) e currículo do/a autor/a (no seu caso, tamén da persoa que presenta o traballo).

En calquera caso, as solicitudes poderán presentar en calquera dos lugares sinalados no artigo 16.4 da Lei 39/2015, de 1 de outubro.

2. O prazo para a presentación dos traballos comezará ao día seguinte ao da data da publicación do extracto da presente convocatoria no BOP remitido pola Base de Datos Nacional de Subvencións e rematará o día 27 de xaneiro de 2025. En todo caso, se o envío se realizara por correo ordinario, terase en conta a data que figure no selo postal.

Quinta. Concesión e premios

Os premios, por importe total de 5.000,00 €, convócanse con cargo ao crédito consignado na aplicación orzamentaria 0.334.48100 do Proxecto de Orzamento Xeral do Concello de Lalín para o exercicio 2025.

Os premios subdivídense nas seguintes modalidades coa súa correspondente dotación económica.

1. Premio, dotado con catro mil euros (4.000,00 €), ao mellor traballo xornalístico presentado entre todas as categorías, ao que poderán concorrer os escritos publicados en medios de comunicación impresos: os libros, traballos, publicacións ou investigacións sobre gastronomía; os traballos xornalísticos emitidos en radios e televisións; as páxinas web con contidos dedicados á gastronomía ou os traballos gráficos (fotografía, viñeta, etc.) publicados en medios de comunicación impresos.

2. Premio, dotado de mil euros (1.000,00 €) ao mellor traballo académico (prensa, radio, televisión e web) dedicado á gastronomía presentado por alumnos de Xornalismo, Publicidade e Comunicación Audiovisual de toda a xeografía nacional co fin de potenciar aos novos valores da profesión xornalística.

O Concello de Lalín poderá esixir a identificación da personalidade dos/as premiados/as que, salvo causas de forza maior suficientemente acreditadas, deberán recoller os premios no acto que se organice ao efecto.

O Concello resérvase o dereito a convocar aos premiados en calquera das categorías para formar parte do xurado na seguinte edición.

O Concello de Lalín resérvase os dereitos legais de utilización do traballo gañador na categoría de estudantes.

Polo que se refire a existencia de crédito para facer fronte, ao custe total do servizo, tal e como sinala o artigo 174.1 do TRLRFL, a realización do gasto plurianual queda subordinada ao crédito que para cada un dos exercicios autoricen os respectivos orzamentos do Concello, sen que o órgano xestor poida recoñecer obrigas por importe superior ao crédito autorizado.

O Concello de Lalín requirirá ao autor/a ou autores (ou á persoa que presenta o traballo) do traballo premiado, o orixinal da obra ou calquera outra certificación que se considere oportuna para garantir que foi publicado e/ou emitido a través dun medio de comunicación segundo os requisitos estipulados na Base Terceira.

Sexta. Forma de pago

O pago dos premios aprobarase mediante acordo da Xunta de Goberno e reflectirán o fallo do xurado.

Antes de proceder ao pagamento, á persoa premiada deberá presentar no Rexistro do Concello de Lalín, certificación acreditativa de estar ao corrente coas obrigas tributarias coa Seguridade Social, coa Axencia Estatal da Administración Tributaria e coa Axencia Tributaria de Galicia. O Concello comprobará de oficio, que a persoa premiada se atopa ao corrente de pago coas obrigas tributarias coa propia entidade.

Non podendo realizar o pago do premio en tanto a persoa á que se lle concedeu non se atope ao corrente no cumprimento das súas obrigas tributarias coa Axencia estatal de administración tributaria e fronte a Seguridade Social o de calquera outro ingreso de dereito público, ou teña ditado contra os mesmos, resolución de procedencia de reintegro, mentres non se satisfaga ou se garanta a débeda do xeito previsto na normativa.

O abono do premio farase efectivo polo importe íntegro, unha vez deducida a carga tributaria correspondente.

Sétima. Procedemento de concesión e criterios de valoración

A concesión de premios ao amparo destas bases reguladoras farase conforme aos principios de publicidade, transparencia, obxectividade, igualdade e non discriminación, mediante a comparación das solicitudes presentadas.

O procedemento de concesión de premios será mediante concorrencia competitiva e iniciárase de oficio coa convocatoria pública aprobada polo órgano competente e publicado o extracto no BOP de acordo co establecido no artigo 20.8 da Lei 38/2003, de 17 de novembro, Xeral de Subvencións.

Os traballos premiados poderán ser citados, se se trata de libros, ou reproducidos total ou parcialmente no caso de artigos xornalísticos ou traballos audiovisuais, polo Concello de Lalín, facendo constar sempre o nome do seu autor.

Ademais, as persoas participantes no concurso renuncian a reclamar as copias ou os exemplares presentados.

Para a concesión destas distincións, o xurado seleccionará os traballos que considere merecedores dos premios tendo en conta a súa calidade xornalística, difusión da gastronomía galega, potenciación da nosa cultura e considerando como un valor engadido que se faga referencia ao Cocido de Lalín.

Oitava. Instrucións do procedemento de concesión

A instrución do procedemento corresponderalle ao técnico/a municipal designado a tal efecto e comprenderá a realización de oficio de cantas actuacións estime necesarias para a determinación, coñecemento e comprobación dos datos en virtude dos que se debe formularse proposta de resolución. As actividades de instrución comprenderán:

- Petición de cantos informes estime necesarios para resolver ou que sexan esixidos polas normas que regulan os premios, de acordo co establecido na convocatoria.
- Emitir informe no que conste que, a información que obra no seu poder, se desprende que dos solicitantes propostos como premiados cumpren todos os requisitos necesarios para acceder as mesmas.
- Formular proposta de resolución, á vista da acta do xurado.

O xurado nomeado para o efecto, estará formado por xornalistas de medios de comunicación de Galicia e representantes das institucións colaboradoras nomeados polo Concello de Lalín.

A designación dos membros do xurado realizarase en cada convocatoria e a persoa que ostente a presidencia poderá designar persoas con experiencia na materia obxecto do premio para que asesoren ao xurado.

Os membros do xurado non poderán, en ningún caso, participar neste concurso.

O fallo do xurado será inapelable.

O xurado reunirase unha vez revisados todos os traballos seleccionados para emitir o fallo que se dará a coñecer publicamente nun acto programado ao efecto con anterioridade á celebración da LVIIª Feira do Cocido.

Novena. Resolución

O órgano competente, previo informe da intervención municipal, resolverá a aprobación dos premios. A resolución será motivada, e conterá o/a solicitante ao que se conceda o premio, con indicación do nome da obra e da contía do premio, facéndose constar a desestimación do resto das solicitudes. Indicarase a puntuación outorgada a cada unha das solicitudes presentadas en función dos criterios de valoración establecidos nas bases. Tamén se recollerá na resolución se o xurado declara deserto algún dos premios.

As notificacións levaranse a cabo de acordo ao establecido no artigo 40 e seguintes da Lei 39/2015, de 1 de outubro, do Procedemento administrativo común das administracións públicas.

A resolución da concesión dos premios esgota a vía administrativa e contra ela cabe interpoñer recurso contencioso-administrativo no prazo de dous meses, ante o órgano competente da xurisdición contencioso-administrativa, e poderá formularse, con carácter potestativo, recurso de reposición, no prazo dun mes, ante o mesmo órgano que ditou a resolución impugnada, de conformidade co disposto na Lei 29/1998, do 13 de xullo, reguladora da xurisdición contencioso-administrativa, e na Lei 39/2015, do 1 de outubro, de Procedemento Administrativo Común das Administracións Públicas.

Décima. Reintegro do premio e réxime sancionador

Procederá a revogación do premio, e no seu caso, o reintegro das cantidades percibidas, coa esixencia do interese de demora correspondentes desde o momento do pago ata a data en que se reintegren voluntariamente os fondos percibidos ou se acorde polo órgano competente a procedencia do reintegro, cando concorran calquera das causas de reintegro tipificadas na normativa vixente, e especialmente as dos supostos en que se incumpran as condicións do artigo terceiro da convocatoria.

Os/as beneficiarios/as dos premios quedarán, en todo caso, sometidos ás responsabilidades e réxime sancionador establecidos na Lei 38/2003, do 17 de novembro, xeral de subvencións e na Lei 9/2007, do 13 de xuño, de subvencións de Galicia.

Undécima. Protección de datos

En cumprimento do Regulamento da Unión Europea 2016/679, sobre protección de datos de carácter persoal, da Lei Orgánica 3/2018, do 5 de decembro, de protección de datos persoais e garantía dos dereitos dixitais e das demais disposicións vixentes na materia, infórmase que:

Responsable dos datos persoais facilitados polas entidades e asociacións solicitantes: Concello de Lalín.

Finalidade: a da súa recollida e tratamento é a instrución do procedemento para a concesión dos premios obxecto de estas bases, a práctica das publicacións, comunicacións e notificacións de obrigado cumprimento.

Destinatarios: poderán ser cedidos a outras Administracións, organismos e institucións, asumindo estas as obrigas dos responsables de tratamento de datos. Tamén poderán cederse en cumprimento dun mandato legal ou xudicial e verificados e cotexados con calquera outros dos que as demais Administracións dispoñan a fin de comprobar a súa exactitude e veracidade.

Lexitimación: A base lexitimadora do tratamento previsto reside no consentimento expreso das persoas que representan ás entidades solicitantes e no exercicio lexítimo das competencias municipais atribuídas pola normativa de réxime local .

Dereitos: As persoas interesadas poderán exercer os dereitos de acceso, rectificación, supresión, oposición, limitación do tratamento e portabilidade así como, opoñerse á toma de decisións individuais automatizadas, incluída a elaboración de perfís, na forma prevista na normativa vixente, perante o órgano responsable do ficheiro–Concello de Lalín–. Así mesmo, teñen dereito a presentar unha reclamación perante a Axencia Española de Protección de Datos (www.aepd.es). Disporán de máis información na web municipal ou contactando co delegado de protección de datos no enderezo: dpd@lalin.gal

Disposición adicional única

Para os supostos non previstos nas presentes bases serán de aplicación a Lei 38/2003, do 17 de novembro, xeral de subvencións, o seu regulamento aprobado por Real Decreto 887/2006, do 21 de xullo, a lexislación básica do Estado en materia de réxime local; a Lei 9/2007, do 13 de xuño, de subvencións de Galicia; as bases de execución do orzamento do Concello de Lalín para o exercicio 2024, as restantes normas de dereito administrativo e, no seu defecto, as normas de dereito privado.

Disposición final única

O feito de participar no concurso significa a aceptación das presentes bases, cuxa interpretación última corresponde ao xurado tanto polos autores como polos presentadores, e considérase que existe acordo mutuo entre ambos, cando non sexan a mesma persoa.

O Concelleiro delegado de Turismo,
Avelino Souto Rozados

ANEXO I

DECLARACIÓN RESPONSABLE del cumplimiento de los requisitos previstos en los artículos 13.1 y 13.2 de la Ley de Subvenciones **XXXI PREMIO NACIONAL DE PERIODISMO GASTRONÓMICO “ÁLVARO CUNQUEIRO”**

Nombre y apellidos:	
DNI:	
Domicilio:	
Población:	
Código postal:	
Teléfono:	
Correo electrónico:	

DECLARO:

1. Que me encuentro en la situación que fundamenta la concesión de la subvención o en las que concurran las circunstancias previstas en las bases reguladoras y en la convocatoria.
2. No haber sido condenado mediante sentencia firme a la pena de pérdida de la posibilidad de obtener subvenciones o ayudas públicas o por delitos de prevaricación, soborno, malversación de caudales públicos, tráfico de influencias, fraudes y exacción ilegales o delitos urbanísticos.
3. No haber solicitado la declaración de concurso voluntario, no haber sido declarado insolvente en cualquier procedimiento, no estar declarado en concurso, salvo que este adquiriese la eficacia de un convenio, estar sujetos a la intervención judicial o no haber sido inhabilitado conforme a la Ley 22/2003, de 9 de julio, Concursal, sin que concluyese el período de inhabilitación fijado en la sentencia de cualificación del concurso.
4. No haber dado lugar, por causa en la que fuese declarado culpable la resolución firme de cualquier contrato celebrado con la Administración.
5. No estar incurso en alguno de los supuestos de la Ley 3/2015, de 30 de marzo, reguladora del ejercicio de alto cargo de la Administración General del Estado, de la Ley 53/1984, de 26 de diciembre, de incompatibilidades del Personal al Servicio de las Administraciones Públicas, o no tratarse de cualquiera de los cargos electivos regulados en la Ley Orgánica 5/1985, de 19 de junio, del Régimen Electoral General, en los términos establecidos en la misma o en la normativa autonómica que regule estas materias.
6. Encontrarme al corriente en el cumplimiento de las obligaciones tributarias o frente a la Seguridad Social impuestas por las disposiciones vigentes, en la forma que se determine reglamentariamente.
7. No tener la residencia fiscal en un país o territorio cualificado reglamentariamente como paraíso fiscal.
8. Encontrarme al corriente en el pago de las obligaciones por reintegro de subvenciones en los términos que reglamentariamente se determinen.
9. No haber sido sancionado mediante resolución firme, con pérdida de la posibilidad de obtener subvenciones conforme a la Ley de Subvenciones o otras leyes que así o establezcan.

Lalín, ____ de ____ de 202__

Firmado: